

SAKSPAPIR

Saksnr	Utval	Type	Dato
005/17	Valnemnd	PS	18.09.2017
058/17	Heradsstyret	PS	20.09.2017

Saksbehandlar	ArkivsakID
Kari Foseid Aakre	17/1550

Søknad om fritak for politiske verv for perioden 18.09.17 - 01.05.18

Rådmannen sitt framlegg til vedtak:

«Representanten Silje Midtbø Vevle, MDG får innvilga permisjon frå sine politiske verv i perioden 18.09.17 – 01.05.18.

Første vararepresentant, Eivinn Revheim, rykkjer opp som fast medlem for same periode. Dei resterande vararepresentantane på MDG si liste rykkjer opp i nummerrekkefølge.»

Heradsstyret - 058/17

HS - behandling:

Berit Moslett Borge, H, gjorde på vegner av valnemnda slikt framlegg til val: "Suppleringsval til plan- og kommunalteknisk utval, Felleslista for H,KRF, V,SP og MDG: Nye varamedlemmer: Turid Njåstad, SP , Bjarte Aarland, KRF og Hjalti Gislason, uavh. ."

Det vart halde pause i drøftingane frå kl. 18.45 - kl. 18.55 med gruppemøte for FRP.

Alf T. Mortensen, FRP, gjorde slikt framlegg: "Saka vert utsett til neste møte."

Det vart halde pause i drøftingane frå kl. 19.10 - kl. 19.15 med gruppemøte for FRP

Ordføraren, gjorde slikt framlegg: "Det vert halde nytt møtei valnemnda."
Framlegget vart ikkje røysta over.

Alf T. Mortensen, FRP, trekte sitt utsetjingsframlegg.

AVRØYSTING

Rådmannen sitt framlegg - samrøystes
Valnemnda sitt framlegg - samrøystes

Alf T. Mortensen, FRP, fekk høve til å gje slik protokolltilførsel: "Osterøy FRP konstanterer at innkalling og kommunikasjon omkring innkallinga har ført til at ikkje alle parti møtte til møte. Dette er alvorleg og må ikkje førekoma."

HS - vedtak:

«Representanten Silje Midtbø Vevle, MDG får innvilga permisjon frå sine politiske verv i perioden 18.09.17 – 01.05.18.

Første vararepresentant, Eivinn Revheim, rykkjer opp som fast medlem i heradsstyret for same periode. Dei resterande vararepresentantane på MDG si liste rykkjer opp i nummerrekkefølge.

Det vert føreteke suppleringsval på varamedlemmer til plan- og kommunalteknisk utval, Felleslista for H, V, KRF, MDG og SP. Desse vert valde: Turid Njåstad, SP, Bjarte Aarland, KRF og Hjalti Gislason, uavh."

Saksopplysningar:

Saksopplysningar:

Bakgrunn

Silje Midtbø Vevle, er vald som representant for MDG for perioden 2015 – 2019.

Ho søker no om permisjon frå sine politiske verv for perioden 18.09.17 - 01.05.18 i samband med forestående fødsel.

Fritak frå teneste i verv på grunnlag av søknad er regulert i kommunelova § 15 nr. 2 som lyder: "2. Kommunestyret og fylkestinget kan etter søknad fritta, for et kortere tidsrom eller resten av valgperioden, den som ikke uten uforholdsmessig vanskelighet eller belastning kan skjømte sine plikter i vervet."

Om korleis regelen er å forstå er det i kommentarane til kommunelova (Overå/Bernt: Kommuneloven med kommentarer) teke inn m.a.:

"Fritak er betinget av at vedkommende "ikke uten uforholdsmessig vanskelighet eller belastning kan skjømte sine plikter i vervet". Fritaksgrunn vil i første rekke være at søkerens arbeidsforhold, dårlig helse eller andre velferdsgrunner gjør det ekstra byrdefullt å oppfylle de plikter vervet medfører. Avgjørelsen må nødvendigvis bli temmelig skjønnsmessig.

Forhold som politiskmotgang, endret politisk oppfatning eller utilfredshet med organets arbeid vil imidlertid etter tradisjonell lære som utgangspunkt ikke kunne kvalifisere til fritak. Men etter at man i loven nå også har tatt inn ordet "belastning" som alternativ til "vanskelighet", kan man ikke helt utelukke slike forhold som fritaksgrunn i situasjoner hvor de har ført til helsemessige eller sosiale belastninger for et medlem, jf. NOU 1990: 13 s. 185 hvor det blant annet uttales: "Utvalget vil vise til at det kan være usikkert hvor langt begrepet "uforholdsmessig vanskelighet" rekker og foreslår derfor formuleringen "...den som ikke uten uforholdsmessig vanskelighet eller belastning ..." for å klargjøre at det også kan være andre forhold enn de som er nevnt overfor som kan gjøre det svært vanskelig for en representant å fortsette i vervet, og hvor det derfor kan være rimelig å fritta vedkommende."

Dersom Silje Midtbø Vevle får innvilga permisjon, vil første vararepresentant rykkja opp som fast medlem i permisjonsperioden. Dei andre varamedlemmene rykkjer tilsvarande opp i den rekkjefølgje dei er valde, jfr. kommunelova § 16, nr. 1 og 2:

"1. Har medlemmer forfall til et møte i et folkevalgt organ, innkalles varamedlemmer såvidt mulig i den nummerorden de er valgt. Varamedlemmer innkalles fra den gruppe hvor det er forfall.

2. Hvis medlemmer av kommunestyret eller fylkestinget trer endelig ut eller får varig forfall, trer varamedlemmer fra vedkommende gruppe inn i deres sted i den nummerorden de er valgt hvis organet er valgt ved forholdsvalg. Er et kommunestyre valgt ved flertallsvalg, trer varamedlemmer inn i den nummerorden de er valgt.»

Valstyret føretekk nytt valoppgjær for å fylla den ledige varamedlemsplassen i heradsstyret når ordføraren finn det nødvendig, jfr vallova § 14-2 nr 2.

I denne saka gjeld det ein avgrensa periode og det er nok vararepresentantar utan nytt valoppgjerd.

Mynde etter kommunelova § 15, nr. 2 til å gje permisjon/fritak frå politiske verve kan delegerast til formannskapet.

I tillegg til medlem i Heradstyret er Silje Midtbø Vevle 1.varamedlem i plan- og kommunalteknisk utval, medlem i Samarbeidutvalet i Lonevåg barnehage og medlem i politisk arbeidsgruppe i samband med Kommuneplanen sin samfunnsdel.

Vurdering

Rådmannen finn at det er høve til å gje permisjon i medhald av kommunelova § 15.2. Ein ser ikkje at det er behov for å velja nye varamedlemmer i samband med permisjonen, då kanskje med eit unntak for plan- og kommunalteknisk utval, der Felleslista for H, KRF, SP , V og MDG berre har fire varamedlemmer og ein av dei faste medlemmane i utvalet har søkt permisjon fram til 01.12.17.

I samband med Silje Midtbø Vevle sin permisjon vert det då berre to varamedlemmer tilgjengeleg, og det kan vera vera litt knapt.

Kommunelova § 16, nr. 5 opnar for å velja fleire varamedlemmer, fast eller mellombels frå den gruppa som har for få. Kravet til minst 40% representasjon frå begge kjønn som varamedlemmer til utvalet. Jfr. og kommunelova § 37, nr. 4 .. *Hver liste skal så vidt mulig tildeles så mange varamedlemmer som den får medlemmer med tillegg av to.* I dette tilfellet utgjer dette 5 varamedlemmer.

Folkehelse – ikkje vurdert i saka

Miljø- ikkje vurdert

Økonomi- ikkje vurdert

Konklusjon

Saka vert lagt fram for valnemnda og heradstyret til vurdering og avgjerd.